



Inatsisartut Kultureqarnermut, Ilinniartitaanermut,  
Ilisimatusarnermut Ilageeqarnermullu Ataatsimiititaliaat  
maani

## **Ilisimatusarfik pillugu Inatsisartut inatsisaata allangortinneqarnissaanik Inatsisartut inatsisissaannut siunnersuummut apequtinut akissutit (UKA 2006/42)**

Ataatsimiititaliaq (UKA 2006/42) Ilisimatusarfik pillugu Inatsisartut inatsisaata allangortinneqarnissaanik Inatsisartut inatsisissaannut siunnersuutip suliarineqarneranut arlalinnik alakkani 9. oktober 2006-imeersuni, suliap nr. 01.39.01.29 apeqqu-teqarpoq.

Naalakkersuisut Ilisimatusarfik pillugu nutaamik inatsisissatut siunnersuummik 2007-imi Inatsisartut ukiakkut ataatsimiinneranni saqqummiussinissartik naatsorsuutigaa. Ilinniartitaanernik neqeroorutillit Ilisimatusarfimmiitinneqarnissaat pilersaarutaavoq, taamani Ilimmarfik pillugu tunngavissiami allaaserineqartut. Siunnersuutip (UKA2006/42) imai maanna Inatsisartunit suliarineqartut Ilisimatusarfik pillugu inatsimmi nutaami ilaatinneqassapput.

Atorfininnissamat sammisumik ilinniartitaanerit ilisimatusarfimmi taamaattumillu ilisimatusarfimmi ilinniartitaanerit allat assigalugit aamma ilisimatusarnermik tunngavilinnut atorfininnissamat sammisumik bacheloritut ilinniartitaanngortillugit aaqjis-susseqqinnerup naammassineqarnissaa kinguarsarumanagu Naalakkersuisut siunnersuummik matuminnga (UKA 2006/42) saqqummiussinissaq toqqarpaat.

Siunnersuutigineqartoq ukiumik ataasiinnarmik sivilisussuseqassangatinneqarmat tamanna tunngavigalugu aningaasaqarnikkut kingunerisassat pillugit nassuiaatit isigineqassapput.

Aningaasaliissutit aningaasanut inatsimmi kontuni 40.12.33-mi, 40.12.27-mi, 40.01.10-mi aamma 32.10.06-imi siunnersuutigineqartut 2007-imi atuutsinneqassapput. Ilisimatusarfik pillugu nutaamik inatsisissatut siunnersuuteqarnissap tungaanut Naalakkersuisut pingaartumik aningaasaqarnikkut kingunerisassat erseqqissassavaat.

Immikkoortunut ataasiakkaanut Naalakkersuisut akissutaat imaapput.

17. oktober 2006  
J.nr. 02.23-00023  
Dok.nr.204595  
Postboks 1029  
3900 Nuuk  
Oq/tel +299 34 50 00  
Fax +299 32 20 73  
Kiiip-mail@gh.gl  
www.nanoq.gl/kiip

## **1. Atorfininnissamut sammisumik bacheloritut ilinniarnert killiffiat**

*Atorfininnissamut sammisumik bacheloritut ilinniarnert ingerlanneqarsinnaanerannik piviusunnngortitsiniarneq sumut killinnersoq aammalu allannguutit qaqugu tamakkiisumik atuutsinneqalissanersut pillugit paasissutissanik erseqqinnerusunik pissarsisinneqarnissani ataatsimiititaliap kissaatigaa.*

### **Akissut:**

Ilinniartitaanerni tamani ilinniarnissamut aqqissuussisoqarpoq atorfininnissamut sammisumik bacheloritut ilinniartitaanerit suliutigut imaanik, qaffasissusiinik, akueri-neqarnissamut piumasaqaatinik il.il. allaaserinniffiusunik. Atorfininnissamut sammisumik bacheloritut ilinniartitaanerit tamangajammik misiligutitut aallarereerput. Piffissami ikaarsaariarfiusumi ilinniarfik pineqartoq ilinniartitaanerit marlunnik ingerlatsissaaq, tassa bacheloritut ilinniartitaaneq nutaaq ilinniartitaanitoqarlu.

Ilinniartitaanitoq aatsaat naammassineqarpat, kiisalu atorfininnissamut sammisumik bacheloritut ilinniartitaaneq nutaaq malillugu ilinniartut siullit naammassereerata aatsaat allannguneq tamakkiisumik piviusunnngortinneqarsimanersoq oqartoqarsinnaalissaaq. Tamanna piffissat makku malillugit pissaaq:

### **I.S.I.-Isumaginninnermi Siunnersortinngorniat Ilinniarfiat**

Bacheloritut ilinniartitaanerup aallartiffia	sept. 2006
Aqqissuussineq nutaaq malillugu naammassisut siullit	jan. 2010
Aqqissuussinitoq malillugu naammassisut kingullit	jan. 2009

### **T.I. – Tusagassiornermik Ilinniarfik**

Bacheloritut ilinniartitaanerup aallartiffia	sept. 2007
Aqqissuussineq nutaaq malillugu naammassisut siullit	jan. 2011
Aqqissuussinitoq malillugu naammassisut kingullit	jan. 2008

### **Ilinniarfissuarmi qitiusumik ilinniartitsisut ilinniartitaaneq**

Bacheloritut ilinniartitaanerup allartiffia	sept. 2005
Aqqissuussineq nutaaq malillugu naammassisut siullit	juni 2009
Aqqissuussinitoq malillugu naammassisut kingullit	juni 2008

### **Ilinniarfissuarmi siammasissumik ilinniartitsisut ilinniartitaaneq**

Bacheloritut ilinniartitaanerup allartiffia	sept. 2006
Aqqissuussineq nutaaq malillugu naammassisut siullit	jan. 2011
Aqqissuussinitoq malillugu naammassisut kingullit	juni 2008

### **Peqqissaanermik Ilinniarfimmi peqqissaasut ilinniartitaaneq**

Bacheloritut ilinniartitaanerup aallartiffia	sept. 2006
Aqqissuussineq nutaaq malillugu naammassisut siullit	juni 2010
Aqqissuussinitoq malillugu naammassisut kingullit	juni 2009

Taamatuttaaq Perorsaanermik Ilinniarfimmi perorsaasutut ilinniartitaanerup atorfinnissamut sammisumik ilinniartitaaninngorlugu qaffassarneqarnissaa siunertaa-voq. Ilinniarfimmi ilinniartitaanermut nutaamut 2008-mi aallartineqartussatut naatsorsuutigineqartumut ilinniarnissamut aaqqissuussineq naammassineqaleruttorpoq.

## **2. Ilinniartitaanernik nunarsuarmioqatigiinnut naleqqussaaneq**

*"Ilinniartitaanerit nunat tamat akornanni ilinniartitaanertulli qaffasissuseqassasut"-mik oqarnermi sunarpiaq pineqarnerisq ersarissumik nassuiaatigineqassasq Kultureqarnermut Ilinniartitaanermullu Ataatsimiititaliamit kissaatigineqarpoq. Ilinniartitaanerit qanoq allannngortinneqalersaarnersut paasissutissiissutigineqassasq ataatsimiititaliamit kissaatigineqarpoq, tassungalu ilanngullugu ilinniartitaanerit akunnattumik sivilissusillit nunat tamalaat akornanni atorsinnaasutut akuersissutigineqarsinnaassappata qanorpiaq piunasaqaateqartoqassanersq paasissutissiissutigineqarluni. Allannguutit assersuutigalugu ilinniartitsinerit pilersaarutinut, ilinniartitsinerit periuksinut, soraarummeernerit piunasaqaatinut ilinniartitsisullu katitigaanerannut qanoq sunniuteqassappat?*

### **Akissut:**

Ilisimatusarfimmi ilinniartitaanerit tamarmik Nunatta avataani ilisimatusarfinnut nalersuussinnaasunik imaqtarsaapput atuartitsisoqarlutillu ilisimatusartoqtarsaallutik. Ilaatigut tamatumuuna ilinniartut naammassisullu inuussutissarsiutitigut ilinniagartuujunikullu pitsaanerusunik periarfissinneqarput, ilaatigullu tamatumuuna atuartitsisut ilisimatusartullu pikkorissut pilersinneqarsinnaallutik, kiisalu ilaatigut Nunatta ilinniagartuujuffiusutut silarsuarmit akuerineqarnera anertusaqaataaffigineqarluni. Nunatta ilisimatusarfigilluarneqarnera ilisimaneqarpoq Naalakkarsuisullu kissaatigaat ilisimatusarnerit amerlanerusut Nunatsinni tunngavilerneqarsinnaassasut, taamaalilluni Ilisimatusarfik issittumi ilisimatusarfittut siuttunngorniassamat.

Inatsissisatut siunnersuummi ilinniartitaanerit ECTS ((European Credit Transfer System, Det europæiske meritoverførselssystem) nunani allani ilinniarnissanik akuersisarnerup pisariinnerulernissaanik siunertaqartoq tunngavigalugu pilersinneqarput.

ECTS-system taanna annertussutsit pillugit pineqartunik, kiisalu pitsaassutsit pillugit allaaserisanik imaqarpoq. ECTS-point tassaavoq suliaqassutsimut ilinniartup pikkorissarnernik naammassinninniarluni suliarisassaanut uuttuut. 60 ECTS-pointit ukiumi ilinniarfiusumi ilivitsumi sulianut naapertuupput. ECTS nunani tamalaani ilinniartitaaneq pillugu suleqatigiinnermi atorneqartarpoq.

ECTS kiisalu ilinniarfiit ilinniartitaanernik ingerlaqqiffiusunik ingerlatallit akornanni suleqatigiinnikut ilinniarnissamut aaqqissuussinerit assersuunneqarsinnaalerput, kiisalu ilinniartitaanermi aalajangersimasumi piginnaasassat allaaserineqarsinnaalerlutik.

Peqqissaasutut ilinniartitaanermit ilinniarnissamut aaqqissuussineq nutaaq ilinniartitaaneq pillugu suleqatigiinnerup qanoq pivusunngortinneqarsinnaaneranut assersuutissaavoq, tassami taanna Syddansk Universitetimi peqqinnissamut tunngasunik ilisimatusarnermut immikkoortortamik suleqateqarluni suliaammat.

Atorfininnissamut sammisumik bacheloritut ilinniartitaanermit aaqqissuussinerit ilaatigut ECTS-imik atuinikkut nunani tamalaani assersuussinissamut piumasaqaatinik ersersitsippot ersersitsissallutillu. Atuartitseriaatsinik, misilitseriaatsinik il.il. naleqqussaanerit susoqaraluarpuunniit aamma pisimassagaluarput, oqaatigineqareersutulli Nunatta avataani ilinniartitaanermit assingusunit misillitakkat qiviarneqartarput ilinniartitaanerit nutaat pilersaarusioneqaleraangata.

Ilinniartitaanerit ilisimatusarfimmut katersorneqarnerisigut aamma ass. viden-skabsteorimi, metodelæremi, kultur- og samfundimi imaluunniit psykologiimi ataatsimut arlalinnik moduleqarnissaq periarfissinneqassaaq. Pineqartuni taakkunani atuartitsisut ilisimatusarnermi tunuliaquttatut atorneqarsinnaalluarput.

Tamatuma saniatigut ilinniartitsisoqatigiit katitigaanerannut tunngatillugu imm. 3-mi apeqqummut kingullermut akissut innersuussutigineqarpoq.

*Ilinniartitaanerit nunani tamalaani piumasaqaatinut nallersuuttunngortitsinermit inuiaqatigiit kalaallit pisariaqartitaasa pissutsillu atugaasa sallerfaatillugit mianerineqarnissaat aammalu tamatuma aningaasaqarnikkut artukkiilinninnissaa Naalakkersuisut qanoq qulakkiilersarpaat?*

**Akissut:**

Ilisimatusarfimmi ilinniartitaanerit tamarmik siullermik kalaallit pisariaqartitaannik matussusiissapput kiisalu naammassisunik Nunatsinni sulilernissamut piginnaangorsaaviullutik. Tamanna sulianut sammisanut ataasiakkaanut ilinniarnissamut aaqqissuussinikkut kiisalu Kultureqarnermut, Ilinniartitaanermit, Ilisimatusarnermut ilageeqarnermullu Pisortaqrarfiup ilisimatusarfimmik nakkutilliineratigut Nalaakkersuisut qularnaarniarpaat.

*Kiisalu ilinniartitaanerit atuagarsornermut saatikkiartuinnarneqarnerat ataatsimiititaliamit eqqarsarnartoqartinneqarsinnaavoq. Ilinniartitaanerit qaffatsitsineq, tamatumalu nassatarisaanik ilinniartunut piumasaqaatinik annertusisitsineq ilinniartut naammassisartut/soraarummeersartut ikileriarnerannik kinguneqarsinnaasoq takorloorneqarsinnaava, tamannami ilinniakkat ilaanni, assersuutigalugu ilinniartitsisunik annertuumik amigateqarnermut annertusaataaginnassammat?*

**Akissut:**

Atorfininnissamut sammisumik ilinniartitaanerit atuagarsorfiuallaalinnginnissaat Naalakkersuisut pinngitsoortikkumavaat. Ilinniartitaanerit taakku atorfirmut aalajangersimasumut suliatigut piginnaasaqarfiusariaqaqisumut sammitinneqarnissaat attatissallugu pingaaruteqarpoq. Ilinniarnertuunngornissamut assingisaanulluunniit tunngasutut inissimasussat akuerineqarnissamut piumasaqaatit sukannererulersinneqarnissaat siunertaanngilaq. Soorunami ilinniarnissamut aaqqissuussineri

ilinniartunut piomasaaqateqartoqassaaq, aqqissuusseqqinnerli suliat imaannik, kiisalu atuartitseriaatsinik misilitseriaatsinillu nutarterinerugunarpoq.

Ilinniartunngortussat ikippallaarnissaat Naalakkersuisut aarleriginngilaat. Ilinniartit-sisutut ilinniartitaanermit misilittagarineqarpoq amerlanerusunik akuersisoqartar-nera, qularnangitsumik ilinniartitaanerup atorfininnissamut sammitinneqalinngin-neranit maanna ilinniaqqinnissamut ingerlaqqinnissamullu periarfissaqarnerunera pissutigalugu.

Ilinniartitaanerit nutarterneqarnissaanni aamma siunertaavoq inuusuttut amerlane-rusut ilinniartitaanerit toqqaasarnissaat, tamatumunngalu peqatigitillugu suliatigit piginnaasat attatiinnarlugit. Atuarfitalammitt kandidatitut masteritullu naammassi-nermut ilinniartitaanermit tunngasut tamarmik nukittorsarneqarnerisa ilaattut siun-nersuut Naalakkersuisunit isigineqarpoq.

*Danmarkimi ilinniaqqinnerit akunnattumik sivissussillit ilisimatusarnermik tunnga-veqanngitsut Videnskabsministeriap tusarniaanermut akissuteqaammini erseqqis-saatigigaa tassunga atatillugu ataatsimiititaliap maluginiarpa. Nalinginnaasumik ilinniartitaanerit akunnattumik sivissussillit aammalu nalinginnaasumik qaffasis-sumik ilinniartitaanerit akornannut ilinniartitaanerit inissiineq nunatsinni ilinniarti-taanerit nunani tamaalaani atorsinnaasut akuerineqarsinnaanerannut kiisalu ilin-niarnernut allanut nuussinnaanermut pisut ilaanni pisarissersuutaasinnaanerat Naalakkersuisunit aarleqqutigineqarpa?*

**Akissut:**

Naamik. Illuatungerluinnaanik. Siunnersuut ilinniartitaanerit ingerlaqqiffiusuni akunnattumik sivissussilinni (MVU) kiisalu ilinniartitaanerit ingerlaqqiffiusuni („ilinniagartuunngorfiusussani“) sivisuuni (LVU) Danmarkimit ilisimaneqartuni agguataarinerup assinganik siunnersuut tunngaveqarpoq.

Atorfininnissamut sammisumik ilinniartitaanerit MVU-t aamma Center for videreuddannelsemik (CVU) taaneqartartut Danmarkimi pisarput. CVU-t taakku ilisimatusarfimmut ilaangillat taamaattumillu aamma ilisimatusarnissamut pisussaaffeqarfianatik. Ilinniartitaanerit CVU-mi pisut nalinginnaasumik bacheloritut ilinniartitaaneruneq ajorput, naak taakkutulli sivissuseqaraluarlutik. Taamaattumik aamma taakku kandidatitut masteritullu qaffasissusilinni LVU-mik ilinniartitaanerit imaaliillaanaq akuersiffiineq ajorput. Periuseq maanna Nunatsinni atugarput danskit atugaata assigaa, naak assersuutigalugu ilinniarfissuarmut oqaaseq CVU atornerup ajoraluaripput.

Danskit periusiat Naalakkersuisunit naleqquttuosorineqanngilaq, tassami taassuma sivisunerusumik ilinniarnissaq inuiaqatigiillu aningaasartuuteqarnerunissaat kingunerimmagu. Taamaattumik „nunatsinni periutsimi“ ilinniartitaanerit sulluunniit maangaanaq ingerlannginnissaasa qularnaarneqarnissaat siunertarineqarpoq. Atorfininnissamut sammisumik bacheloritut ilinniartitaanerit (piffissamik tamakkiiffiusut) kiisalu diplomitut ilinniartitaanerit (piffissap ilaanik atuiffiusut) MVU-tut qaffasissuseqarput kiisalu LVU-tut qaffasissusilimmik ilinniagaqalernissamut

toqqaannartumik akuersiffiussallutik, piffissamik tamakkiiffiusumik ilinniarneq (kandidat) imaluunniit piffissap ilaanik atuiffiusumik (master) ilinniarneq apeqquaatinnagu.

Naalackersuisut isumaqarput nunatsinni innuttaasut amerlanerunnginnerat tunngavigalugu assigiinngitsunik tallimanik ilinniarfeqarata MVU-mik LVU-millu ilinniartitaanernik ilinniarfimmi ataatsimi katersuinissaq iluanaarfigigipput. Aamma Danmarkimi CVU-t iluatsitsilluartumik aaqqissuussinertut isigineqanngillat.

### **3. Piffissaq inatsimmik atortuulersitsivissaq**

*Ilinniarsiit pineqartut ilisimatusarnermut tunngasunik pisussaaffeqanngitsunik ullumikkut ilinniartitsisoqartut ilisimatusarfiup tikkuaraa ataatsimiititaliamit maluginiarneqarpoq. Tamanna tunngavigalugu ilinniartitaanerit 1. december 2006 (ulloq inatsisip atortuulerfissaa) aallarnerfigalugu ilisimatusarnermik tunngaveqartumik ilinniartitaanernut allanngortinneqarsinnaanerit pivirusorsuunngitsutut ilisimatusarfimmit isigineqarpoq. Ilinniartitsisut ilaat amerlanerit ilisimatusarnermut tunngasunik ilinniartitsinissamut pisussaaffillit ilinniartitsisorilernissaat anguneqassappat ukiut 5-6-it ikaarsaariarfittut atorineqarnissaat pisariaqartoq ilisimatusarfik naliliivoq. Taamaalillunilu ilisimatusarnermik tunngaveqartumik ilinniartitsineq tamakkiisoq siusinnerpaamik 2011-mi 2012-imiluunniit pivirusunngortinneqarsinnaasoq ilisimatusarfik naliliivoq. Naliliineq taanna Naalackersuisunit qanoq isumaqarfigineqarpa?*

#### **Akissut:**

Ilisimatusarfiup isumaa Naalackersuisut paasilluarpaat, tassami ilisimatusarfiup isigineqarnini attatissappagu ilinniartitaanerit akisussaaffigineqartut aamma ilisimatusarfimmit pitsaasuutinneqarnissaat pingaruteqarmat.

Ilisimatusarfiup tusarniaanermut akissuteqarnermini tunngavigaa siunnersuut ilisimatusarfimmi ilinniartitaanerit pillugit immikkut inatsisaassasoq. Ilaatigut Naalackersuisut inatsisileriffianit tusarniaanermut akissutit kingunerisaannik, kiisalu ilisimatusarfiup eqqarsarnartitai eqqarsaatigalugit tamanna allannguutissatut siunnersuutinnngortillugu allanngortinneqarpoq.

Atorfininnissamut sammisumik bacheloritut ilinniartitaanerit atuartitsisut ilisimatusartuunissaat siunertaanngilaq, imm. 2-mi apeqquutit pingajuannut akissut takuuk. "Ilisimatusarnermik tunngavilik" Naalackersuisut ima paasivaat ilisimatusarnerup kiisalu taassuma pineqartunik atorfininnissamut sammisumik bacheloritut ilinniartitaanerit pineqartunik ineriartortitsinermi atorineqarnerata akornanni qaninnerusumik atassuteqartoqassasoq. Atorfininnissamut sammisumik bacheloritut ilinniartitaanerit ilisimatusartut atuartitsinissamut piukkunnartut atuartitsinissamullu soqutiginnittut ilaatigut atorineqarnissaat pissusissamisoorpasippoq. Ilisimatusarfimmi siunissami atorfiit aaqqissugaanissaat pillugu maanna sulinerit ilaatigut ilisimatusartut atorfiit, ilaatigullu atuartitsisutut atorfiit, kiisalu atorfiit ilisimatusartut atuartitsisutullu pisussaaffeqarfiusut suliarineqarput. Aammattaaq nutaatut ilisimatusarfimmi ilinniagartuujunngitsut atuartitsisutut atorfiit pilersinneqassapput.

*Tassunga atatilugu angorusutat piviusullu akornanni ukiuni arlalissuarni naammaginatsumik ataqatigiittoqanngippat ilinniartitaanitta isigineqarnerat akornuserneqarsinnaasoq ataatsimiititaliamit isumakuluutigineqarpoq. Inatsit imarisani malillugu atuussinnaassuseqarlersoq allaffissornikkut aatsaat qulakkeerneqarsinnaalerpat inatsit aatsaat atortuulersinneqassasoq nalinginnaasumik kissaatiginartarpoq.*

Ilisimatusarfimmi tamarmiusumi atuartitsisut ilarpassuisa ilisimatusarnermut tunngasunik piusussaaffeqarlutik atorfeqartinneqarnissaannik ilisimatusarfiup isumaa Naalakkersuisunit isumaqataaffigineqarpoq. Atorfininnissamut sammisumik bacheloritut ilinniartitaanerit suliamik suliarinninnissamut sammisunik amerlanerusunik sammisaqarfiupput, sulilu siunertaavoq sammisat taakku atuartitsisunit suliatigut misilittagalinnit isumagineqassasut. Tamatumani ilinniartitsisunngornianik atuartitsisoq suli tassaassaaq ilinniartitsisoq ilinniarfissuarmi ilinniarsimasoq meeqqanik inuusuttunillu fysikimi nammineerluni atuartitsisimasoq, tasaananilu fysikimi doktori.

Taamaattorli atorfininnissamut sammisumik bacheloritut ilinniartitaanerit ilisimatusarnermut tunngasunik piusussaaffilinnik atuartitsisut atorfinnik naammattunik ullormiit ullormut pilersitsisoqarsinnaannginneranik ilisimatusarfiup isumaqarnera Naalakkersuisunit isumaqataaffigineqarpoq, imaanngilarli siunnersuut maanna atuutilersinneqartariaqanngitsoq.

#### **4. Aningaasalersuineq**

*Inatsisissatut siunnersuut aningaasartuuteqarnermik nassataqassanngitsoq aammalu innuttaasunut allaffissornikkut aningaasarsiornikkullu kinguneqaateqassanngitsoq Naalakkersuisut paasisutissiisutigaat. Kiisalu Naalakkersuisut una oqaatigaat: "Ataatsimut isigalugu siunnersuut maannakkut aningaasaliissutigineqarsimasut iluanni akissaqartinneqarpoq, tassami naatsorsutigineqarmat ilinniartitsinerup aamma allaffissorerup iluani nukiiit pitsaannerusumik atorneqalernissaat, nukinnillu aningaasanillu atorluanerup ilisimatusarnermik tunngaveqarluni ilinniartitsineq qulakkiissavaa." Naalakkersuisut taamaalillutik naatsorsuutigaat siunnersuummut atatilugu aningaasartuutit kontomut pingaarnermut 40.12.33-imut, Ilinniartitaanernut ingerlaqqiffiusunut ilinniarfinnut tunngasumut, kontomut pingaarnermut 40.12.27-imut, Ilimmarfiup ingerlanneqarneranut tunngasumut, kontomut pingaarnermut 40.01.10-mut, Inerisaavimmu/Pilersuiffimmu tunngasumut, aamma kontomut pingaarnermut 32.10.06-imut, Peqqissaanermu Ilinniarfimmu tunngasumut, sinaakkusiussat iluini ingerlanneqarsinnaasut.*

*Kontonut pingaarnernut taakkununga aningaasartuutit tamakkiisut qanoq annertutigissanersut qulaajarneqassasoq ataatsimiititaliap kissaatigaa. Tassuunakkut kontoni taakkunani atugassarititaasut allat "akigalugit" aningaasaliinissami piunasaqaatit taakku aningaasaliiffigineqannginnissaat ataatsmiititaliamit qulakkeerumaneqarpoq.*

**Akissut:**

Siunnersuut oqaatigineqartut 2007-imuinnaq sunniuteqartussatut isumaliutigineqarmat nassuiaatit ukiumut tassungaannaq atortinneqarput. Atorfininnissamut sammisumik bacheloritut ilinniartitaanerit 2007-imi ilinniartitit ilinissimaffimminniiginnassapput. Ilinniarnissamut aaqqissuussinerni KIIP-imit akuerineqartuni ilinniartut siullit 2009-mi siusinnerpaamik naammassissapput. Taamaattumik KIIP-imit ilinniartitit peqataasunit naliliisoqarpoq allannguinerup kingunerisaanik 2007-imi aningaasaqarnikkut kinguneqassanngitsoq, kontorisat akornanni allatut agguasannaanerit kontumi pingaarnermi 40.12.33-mi, ilinniartitit ingerlaqqiffiusuni ilinniartitit, missingersuutit tamarmiusuni pisinnaammata.

Iisimatusarfik pillugu inatsisissatut nutaatut siunnersuummik saqqummiussinissap tungaanut KIIP ilinniartitit 2008-mit aningaasaqarnikkut kingunerisassanut attaneqarsinnaasumik tunngavissuussapput. Aamma aallaqqaasiunneqartoq innersuussutigineqarpoq.

**5. Oqalutsinik nutserisunillu ilinniartitsineq**

*Oqalutsinik nutserisunillu ilinniartitsinerup bacheloritut ilinniartitit ineriartortinneqarsinnaanerit periarfissat Oqaatsinik Pikkorissarfimmik peqateqarluni Naalakkersuisunit misissuiffigineqarnissaat ataatsimiititaliap ilassilluarpaq. Aningaasaliissutaareersut iluanni aningaasalersuinissaq qanoq ilillutik Naalakkersuisut ajornanngitsut isigineraat itisiliivigineqassasoq ataatsimiititaliamit kissaatigineqarpoq, suliassammi nutaat pineqartillugit aningaasaliissutaareersut saniatigut atuinerussuteqartoqarsinnaagajummat.*

**Akissut:**

Oqalutsit Nutserisutullu ilinniartitaanermut atorfininnissamut sammisumik bacheloritut ilinniartitaanermik aallartitsinnginnermi ineriartortitsinermut pisariaqartinneqartumut tunngatillugu sulineq tamanna Oqaatsinik Pikkorissarfimmik maanna aningaasaliissutit atorlugit pisinnaavoq, suliatigut pisinnaasariaqakkat pisariaqartinneqartut pikkorissarfimmiimmata.

Oqalutsit nutserisutullu atorfininnissamut sammisumik bacheloritut ilinniartitaanernik aallartitsinerup kingorna atuinerussutaaratarsinnaasunut tunngatillugu Pisortaqrarfiup apeqqummut 4-mut, aningaasalersuineq, akissutai innersuussutigineqarput.

Ikinngutinnersumik inuulluaqqusillunga

Doris Jakobsen

Naalakkersuisunut ilaasortaq